


## Барча хъуннав МухIаррам барз!

МухIаррам зурул  
цалчинмур къини  
дайдихлахъиссар  
бусурманнал цIусса  
1435-чинмур шин!  
Ххирасса буккулт,  
барачатсса хъуннав  
цIусса шин! Аллагъу  
Тааьланал талихI бу-  
луннав жунма дунн-  
яллий ва ахиратраву!

МухIаррам барз хъин-  
ну ххирасса барзри.  
ХIадисирттаву увкуну  
бур: «Рамазан зурул  
хъирив, зума дугъан,  
яла хъинмур барз,  
МухIаррам барзри».  
МухIаррам зуруй  
дургъусса ца зумалул  
буссар щаллусса зуруй  
зума дургъуссаксса  
даража. Ва зуруй Зан-  
наха ﷻ эбадат чIяруну  
дувара, миннул бара-  
чат биянтIиссар щалла  
шинайн. Цукун бувту-  
рив МухIаррам, мукун  
гъантIиссар шингу.  
Ххирасса буккулт,  
умудрай буру, цIусса  
шинащал жучIанна  
дучIанссар буллулгъши-  
ву, Ислам чIявуссаннал  
къамул данссар,  
оьрчIал нину-ппу хха-  
ри булланссар, тийй.  
Зун тIайлабацIуртту  
баннав, оьрмурду  
лахъи баннав, азар-  
ду чIарах дукканнав!  
Амин!

Ас-салам кказитрал  
редакция



Идавсил ﷺ увкуссар:  
«Dai acaI qoboe oueoea cot a aoiuaI yeà  
oueIT oo AeeaauiTae ﷻ I ooaobai aadqoe».

### Ва номерданий :



Тавба даврил баян



МухIаррам барз



Лакрал хIажитал

## НицIавкIратусса Хъун ХIасан ва ЧИВИ ХIасан

ХIажимуса-хIажинал бувсса Къукуннал мадра-  
салуву дарс дихълай мударисталну зий бивкIун  
бур НицIавкIратусса ххаллилсса аьлимтал –  
Хъун-ХIасан ва ЧИВИ-ХIасан. Мадрасалул маш-  
гъуршиву хъунмурчIин диркIун дур вай мудари-  
стурал хIарачатрайну ва элму кIулшиврийну.

Хъун-ХIасан ивкIссар НицIавкIратусса ШуаьйхIал ту-  
хумравасса. Ва тухумравасса ивкIссар цIа дурккусса  
дурккучув Ибрагъим-хIажи. Ибрагъим-хIажи арулла-  
мяйра шинай Маккалив мизитрал имамну ивкIссар,  
махъунай зана къавхъуну тийхва ливчIссар.  
ОьрчIнийва Хъун ХIасан диндалул элмурдах гъи-  
ра бусса, анаварну бувсмур, ккавкмур ччяни ла-  
ласайсса ивкIун ур. ХIасан чIивинийва Къуръан  
лахъхъин занай ивкIун ур цайми оьрчIащал шяра-  
вусса мизитравун. Къураьнгу лавхъхъуну, га цайми



дин-элмулул луттирду лахълай ивкIун ур. Хъун-  
ХIасан дуккавил итххяхъсса, авкъусса, паракъатсса,  
иминсса хасиятрал инсан ивкIун ур. Цала диндалул  
даража гъаз бан га ЧИВИ ХIасаннушал увххун ур  
дуклан Ссугърациял АбдурахIман-хIажинал мадра-  
салувун. АбдурахIман-хIажинал ганах ляличIисса  
къулагъасшиву диркIун дур.  
Ссугърациял мадрасалувун увкIсса ХIажимуса-  
хIажинахъ АбдурахIман-хIажинал бувсуну бур  
Хъун-ХIасаннуя. Хъунабавкъуну бур ХIажимуса-хIажи  
ва Хъун ХIасан. Мубарак ХIажимуса-хIажинал увцуну  
ур цачIана Хъун ХIасан ва ганащал дуклай ивкIсса  
ЧИВИ ХIасан. ЧИВИ ХIасан ивкIссар ЦунтIахъал  
тухумравасса. Ганал бутта увкIссар НицIавкIрав  
яруссаннал шярава. ЧИВИ- ХIасаннул буттал бувцус-  
сар НицIавкIратусса душ, щала оьрмугу бувтуссар  
НицIавкIуллал шяраву.

## Элмулул хіакъикъат

Элму чайсса къақулсса зад кѳул шаврийни. Мий кѳул шавугу я Аллагънал файзрайну, илгъамдалийнуну, инсаннал дакӳнийн дуртѳуну кѳул хъусса дикѳайссар, я инсаннал цала ижтигъадрайну тѳалав дуллай кѳул хъусса дикѳанссар. Утти му элмугу кѳира кущуйсса дуссар: Фарзу аьйн, фарзу кифаят. Фарзу аьйни - балугъ хъусса, аькълу бусса, кѳулши дусса инсаннан адамина икѳу, шарсса дикѳу кѳул къадурну чара бакъасса кѳул дан ялувсса задру. Мигу цири чирча, ца Цуванусса, цимурцанний къудрат дусса, инсан ляхъангу увну мунан неъматту буллусса Аллагъ ушиву кѳул баву, Заннал сипатру кѳул даву. Яла миннул хъирив Мунал халкъунначан диндалул хѳукмурду кѳул бан тѳайла увсса саллалагъу аьлайгъи вассалам Мухаммад идавс кѳул шаву. Мунайн Аллагънал Къуръан ликкан бувшиву кѳул шаву. Мунал шариаьтту тѳайласса бувшиву кѳулшиву. Дин-ислам хіакъшиву кѳулшиву, яла малаиктал бувшиву, идавстал тѳайла бувшиву, луттирду, ултти ливкъшиву кѳулшиву. Аллагъ ﷻ акъацири циняв халкъ, гъар куллу-шайъ ляхъан дуршиву кѳулшиву, хъхъичлара зад къадиркѳун. Миннуву аьрш-курс лавхѳи, къалам, Исрапилул сур, алжан, дуржагъ, миннуву думургу рухѳругу махъ личан, пана къахъун, духкъалаган ляхъан дуршиву кѳулшиву. Ялами куллу-шайъ пана хъуншиву кѳулшиву. Цумур-ца рухѳи дусса зад литѳунгу баншиву, бизангу баншиву кѳулшиву. Гъаттаву Мункарнакирнал суал байшиву, гъаттал аьзав дикѳайшиву, хісаб, ссиратѳи, суал, мизан, Къиямасса къини дикѳантѳишиву, Аьрасалул арив бацантѳишиву, алжан-дуржагъ, хіавз, шафааьт хіакъшиву кѳулшиву. Гъарца халкъуннал чичру-



къадар хъинсса бикѳу, оьсса бикѳу, хайр бусса бикѳу, зарал бусса бикѳу Аллагънал къазаьрайну, къудратрайну бикѳайшиву кѳулшиву. Идавсил ﷻ зумату бавсса Къиямасса къинилул лишанну, дажжал уккаву, даббатул арз буккаву, баргъ магъриблия буккаву, Эса ﷻ ликкаву, Магъди уккаву, дажжал ивчѳаву, миннуха лархъхъусса цайми аьламатру дикѳантѳишиву кѳулшиву. Яла Иман - Ислам кѳул даву, гъарца чаклийн иссаврил, тѳагъарат баврил, чакличѳаврил, гъуслу баврил, таяммум баврил, зумалул, закятрал, хіажрал рукнурду, шартѳру, адабру кѳул даву, гъарца хіалалмур, хіараммур, фаризамур, суннатмур, бунагъ бумур, чирі шаймур, хайр бумур, зарал шаймур

кѳул баву, хъинминнан хъинсса алжан, оьминнан оьсса дуржагъ бикѳантѳишиву кѳулшиву. Вай задру кѳул дурну, къақулмургу кѳулнаяту лархъхъуну икѳан ялувссар гъарманай. Фаризасса, чара бакъасса элму вари. «Элму лахъхъаву бусурманчунван ва бусурмансса хъамитайпалун фаризассар». Куну бур хіадисравугу. Цамур хіадисраву Идавс ﷻ тѳий ур: «Элмулул зу лутлагияра Китайнавун гъан багъарчангумали». Фарзу-кифая цири чирча, ми шяраву цаннан, кѳиннан, шамуннан кѳулну бикѳан ялувсса задрури. Мигу цири чирча - Къуръан лахъхъаву, элму дуккаву, араб маз лахъхъаву, чичин

буккин лахъхъаву, акбар учин лахъхъаву, жамааьт чак бан лахъхъаву, хѳукму бан лахъхъаву, шариаьт бан лахъхъаву, бутѳа бачѳин лахъхъаву, ивкѳума учин лахъхъаву, магъар бишин лахъхъаву, цѳа рутан лахъхъаву, къашайнан дарув бан лахъхъаву, щаву дахѳин лахъхъаву, санааьтру, пишарду, касмурду лахъхъаву, миннуха лавхъхъусса цайми-цайми дунияллий халкъуннавун багъайсса, миннан маслихатсса, кѳул бакъа ялапар къашайсса задру кѳул бан ялувссар. Мукусса задру шяраву цаннан, кѳиннанмагу кѳулну бикѳан аьркинссар. Миннан кѳул хъурчан, махъми цинявпа бунагърала буккайссар. Цаннанмагу къақулхъурчан - циняв бунагъралун багъайссар.

## Элмулул ххирашиву

Элмугу, эбадатту кѳивагу жавгъарди. Миннуваггу яла ххирамур элмури. Элму дакъа эбадат дан къашайссар. Элмугу, эбадатту дакъасса цимурца батѳулссар, лагъвийссар, миннуву бакъа мюнпат бакъассар. Дунияллулгу, ахиратлулгу хъуншиву, хъиншиву элмулушчалли дусса. Элму дунияллул ххазинари. Мунил кѳула: Цѳухлай, тѳалав дуллай, элму кѳул дуллалавури. Дуниялгу, ахиратту ччисса инсаннал элму тѳалав дайссар. Элмулийнур дунияллулгу, ахиратлулгу даражалийн бияйсса. Элмулушчалли хъус, хъуншиву, хъиншиву дикѳайсса. Сулейман идавс-хъи суал бувссар Аллагъ Тааьлалнал: Хъус ччав, хъуншиву ччав, элму ччав, - куну. Мунал увкуссар: Элму чча, - куну. Яла Аллагънал ﷻ: Элмулушчалли хъус ва хъуншиву дикѳайсса, куну, элмугу дуллуну, дунияллул паччахѳугу увну, ххазиналул заллунугу увсса. Элму Идавстурая (аь.с.) аьлимтурайн

ирсирай дукѳлакиссар. Элму Аллагънал ﷻ цала ххираминнан, ччиминнан дакъа къадулайссар. Хъус ччиманангу, къаччиманангу дулайссар. Элмулул инсан уручлачиссар. Инсанналив хъус дуручлачиссар. Элму инсаннаха зузиссар. Инсан хъуслиха зузиссар. Элму цаманан дулаврийну чан къашайссар. Хъус харж дуллай, цаманан дулаврийну чан шайссар. Элмулул заллу ивкѳуну махъгу, хъама къаитайссар. Хъуслил заллу дунияллийгу ивкѳунассар. Ивкѳуну махъгу дакӳнинвагу къаагъайссар. Хъуслил залуннахъ Къиямасса къини гъарца кѳапѳикѳрая суал бантѳиссар - ча тѳалав дав куну. Элмулул залуннан гъарца мукъул бакѳхансса даражартту бикѳантѳиссар Алжаннаву. Масала: Дунияллул уттарашиву инсантураятур. Инсантал бакъахъурча, дуниял дикѳулссар. Инсантурал уттарашивугу рухѳирдайнур. Рухѳи дакъасса инсангу

ивкѳулссар. Рухѳирдал уттарашивугу аькълулийнури. Аькълу бакъасса рухѳугу диркѳулссар. Аькълулул уттавашивугу элмулийнури. Элму дакъасса аькълу бивкѳулссар, Элмулул уттарашивугу аьмалданинури. Аьмал бакъасса элмугу диркѳулссар. Аьмалданул уттавашивугу ихласрайнури. Даки марцѳи дакъа бувсса аьмалгу зияссар, бивкѳулссар. Мукун бухувкун, элмулийнури цимурца зад дазайсса. Чурххал бивчѳаву, рухѳи дуккавийнури, дакӳнил дирчѳаву - элму дакъашиврийнури. Гъарайну къаркъсса лухъчи уртту хъярхъун шѳоли хъуну, утгара шайсса кунна, элмулийну дакѳугу утгара хъуну, оьмрулул эбадатту утгара шайсса, дакѳугу утгара хъуну. Эбадатту сахѳихѳи хъуну, абадлийсса талихѳрайн иян ччисса инсаннал элму кѳул дуллалаврийхун машгъул хъунссар. Хіасил Аллагъ Тааьлал инсаннал

жинс личѳину, цайми хіайвантураял ххира увну, хъун увсса, мунал чурх ххуйсса, къувват бусса виричусса цайми ххуй-ххуйсса ссипатру, сунааьтру дусса уну тѳий акъари, мунаяр ххуйсса, виричусса цѳакъсса цайми хіайвантал, жанавартал дунияллий чѳявуссар. Му ххира хъун увсса элмулийнур. Элмулушчал аькълугу буллуну. Элму дакъасса инсаннал масала, гъаттарал масалар - личѳи акъассар. Элму кѳулмагу, къақулмагу цава-ца къашайссар. Хіатта Аллагъ Тааьлал Адам Идавс ﷻ малаиктураял ххира-хъун увну, мунайн сужда бара кусса элмулийнур. Малаиктуран къақулсса гъарца задран цѳарду мунан кѳул дурну, миннан къақулмур кѳулгу бувну. Элму ххирашиврул аьламат му къагъарив, Расулулагънан ﷺ гъар душнияллий дуцири элму кѳулну диркѳулссар.

Лажин хіадур дурссар «Гъунчѳукъатѳан» тѳисса луттирайн чул бивѳуну

### Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

### Редакционный совет

Председатель редакционного совета муфтий РД Ахмад-хаджи АБДУЛАЕВ  
заместитель муфтия РД Махди-хаджи МУТАИЛОВ

### Главный редактор

Заурбек (Абдулла) ЯИКБАЕВ

### Редактор

Иса ОМАРОВ

### Канонический редактор

Курамухаммад МАГОМЕДОВ

### Менеджер

Абдусабир АХМЕДОВ

### Дизайн, вёрстка

Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.

При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

Тираж 1950 экз.

Сдано в печать 2 ноября 2013 г. в 16:00

### Индекс 51388

### Адрес редакции

367015, РД, г. Махачкала, ул. Аскерханова 13а.  
Тел.: (8722) 51-85-22.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru

www.assalam.ru

# Хіалал-хіараммуни баян

Аллагь Тааьланал дуняллий халкьуннан, дуллусса хьусру ризкь-маэшат хіалалссагу дуссар, хіарамссагу дуссар. Кинниллагу дянивсса шак буссагу дуссар, мунийн «шубгьа» учайссар. Шубгьа хьанахьиссар я хіалалшиву, я хіарамшиву чіавуминнаца личий дан кьашайсса, цукунссарив кїул дангу захіатсса. Хіалалмур цумурдив, хіараммур цумурдив, шубгьа бумур цумурдив гьарцаннай кїул дан ялувссар. Мий кїулгу дурну хіараммуния уруччавугу ялувссар, шубгьа бумуния уруччавугу ссуннатссар, хіалалмур тїалав давугу фаризассар.

Дуняллийсса хьуслил яла хіалалмургу, шубгьа бакьамургу - цалва хіалалсса мулкирай авцїуну, хьхьичїун дургьусса задрату лухччинийн дагьаннин цачїун хьусса ссавруннай ларчїун нанисса гьарал щинни. Мунийн хіалалсса цичїав кьадикїантїиссар. Мукунна хіалалссар хьхьиривату, ягу кьирияту бувгьусса авгу. Амма мунивугума ца чансса шубгьа буссар, цалва канихьхьун бирияннин цаманакьхьун биривну бивкїун итавагу кьахьхьхивав тїий. Мукунна хіалалсса хьусри цалла хіалалсса касмулийну хіасул хьусса хьусгу. Амма, мунивугу шубгьа буссар, касму хіалалсса духьурчагу, муних дуркїмур хіалалсса дуривав, хіарамсса дуривав тїий. Мукунна хіалалсса хьусри нитти-бутгяту, гьанминнаяту бутїа багьну дуркїсса хьусгу. Амма миннувугу шубгьа буссар, загьирданий цува заллуну духьурчагу, минналгу хіалалну ляркьунав, хіарамну тїалав дурнавав тїий. Мий куннасса цайми-цайми куццуй хіасул хьусса хьусру нажагьссагу шубгьа бакьасса кьалякьинтїиссар, хаснува ва заманнаву. Амма, миннуву мукунсса шубгьарду бухьурчагу аьямну, загьирну кьачїалачїимуния уруччин ялув бакьассар, бюхьайсаксса уруччавугу хьинссар. Хіатта, хьхьичїивасса хьуними халкьуннал, паччахїтурал дурцусса щин кьахїлачїайва тїар. Щин хіалалсса духьурчагу мий дудин буллусса ужра хіарамсса бивкїхьурчагу тїий. Миннал бувсса ламурдайх кьахлахьайсса бивкїун бур, хіарамсса хьуслих бувну бухьурчагу тїий. Мукунна цайми иширттаву шубгьа бумуния арх шаву, уруччаву ххирассар. Му муттакьїинтурал, ссалихїинтурал, сиддийкьинтурал пишари. Миннал даражаллийн мукунна акьа кьахлахьайссар. Хіарам дурсса задругу кїира куццуйсса дуссар: ца дукавриву, хіачїавриву, чурххан зарал бунутїий, ягу аькьлу яла гьан бувну авлия увайтїий, ягу цурда дукан оьккисса дуну тїий хіарам дурсса. Цагу касму, савда баврил чулухату хіарам дурсса. Чурххан зарал буну тїий хіарам дурмур тїурча, дукарча, хіачїарча ивчїан айсса, ягу кьашай айсса загьру бусса задрур. Шатта бикїу, уртту дикїу, загьру бикїу, цайми зарал байсса даруртту бикїу. Аькьлу яла гьан бувайнутїий хіарам дурмур тїурча чяхирди, хіанни, цумур дунугу увччу аймурди, кьалиянни, тирикри, цайми аькьлу яла гьан

байсса урттурдурди. Оьккину тїий хіаран дурмур тїурча - дунгьузри, ккаччири, ччитури, кїулури, ттуккури, вилцїунни, барцїри, чакьалли, цушари, аькьрабри, хьатїури, кьягьури, зимизри, найри, читїури, митїикьукьури, тїавусри, бикьавхна чапур хьуну бивкїумурди, хіажатри, парари, кїуцалур, миннуха лархьхьусса цайми-цайми дукан ххуй дакъасса, задрур. Миннуя уруччин аьркинссар. Касму даврил чулуха хіарам дурмур тїурча, дарцусса хьусри, зерххусса хьусри, гьарарай ларсьсса хьусри, хіарамсса хьуслил залуннаца ларсьсса хьусри, ляркьусса заллу кїулуна кьадуллусса хьусри,

эбадат чанссар, тавба-дуаь кьамул кьадайссар. Хіатта цуксса чансса бухьурчагу хіарамсса лукьма инсаннал бувкуну льякьлуну багьувкун, мунаха ссавнил агьулданулгу, лухччинул агьулданулгу нааьна дайссар. Му льякьлуну буссакасса, мунал чакгу кьамул кьабайссар. Тавбагу кьадурну, мукуна уна ивчїарча дуржагьрал агьлунугу шайссар. Аллагь Тааьланал цана кьаччисса инсаннал хіарамсса хьус чїару дайссар. Хіарамсса хьуслил залуннал «я Раббий» куну Аллагь ꞥ кїицї лавгукун, Аллагьнал ꞥ учайссар «Ла лаббайк я аьсий» - куну. Хіарамсса хьус цанна куна ца-



Хіалалну маэшат байма Аллагьнан ꞥ ххирассар

хіарамсса касму, маша, санятрайну ляркьусса хьусри. Аьркиншиву дакъана чїа тїий ляркьусса хьусри, рибалул хьусри, аманатран хиянатшиву дурну дургьусса хьусри. Миннуха лархьхьусса цайми-цайми куццуй хіасул хьусса хьусри. Мукун хіарамсса хьуслий заллушиву дуван, ишла дуван, дукан, хіачїан, лаххан, харж дуван ихтияр дакъассар. Хіатта, ца инсаннал кьатлуну ца хьалул куккулул кьадарданийсса хіарамсса хьус духьурча, муначїан оьвкукун дуркїалин лагаву ссуннат бакьассар. Идавс ухьурчагу, мукун хіарамсса хьус мукуцїалва гьантлий цаннал ичїура духьурча, мунал цїа мунафикьтуравух чичайссар. Мунал бувсса чаклия, дургьусса зумалия, бувсса цамур хьинсса аьмаллания хайр бакьассар. Хіарамсса хьус садакьалун кьамул кьадайссар, вакьфу, васийятран кьамул кьадайссар. Цамур хьин-малларал ххуллий ссанчїав кьамул кьадайссар. Хіараммуния ца кьуруш кьаритаву хьинссар ттуршазарда кьуруш садакьалун булавуни-яр. Хіалалмур дукайманал дин марцїссар, дакї кїюлассар, итгав макь дикїайссар, тавба кьамулс-сар, дуальхьхьун жаваб дулайс-сар. Хіарамсса дукайманал дакї диркїуссар, кьасаватрал дурцїуссар, дин чапалссар, якьин заэвссар,

манан, цалва кулпатран дулунгу кьабучїиссар, хіарамссар. Миннангу, цаннагу марцїну, хіалалну ляркьумур ишла дан аьркинссар. Хіараммур хіала кьадурну яла-пар хьун кьахьанай ухьурча, ягу хіалалмургу, хіараммургу личий дан кьахьанай ухьурча, ва заманнаву куна, му чїумалгу буруккиттарай, хіараммур дукаврия нигьачїий, кьаччивахха тїий икїуча, пикри, дард дакъа кьаивкїун. Бюхьавай ялагу хіараммур льякьлуну магьандуварача, чурххайн лахьурчагу. Хіарамсса хьус дукан ихтияр дуссар хіалалмур кьаляркьуну ккашил ивчїансса кїантгаву. Хіатта, гужрай цаманнаца зерххуну дукан бучїиссар. Дунгьузралсса, ккаччилсса, ивкїусса инсанналсса, чапурну бивкїусса задралсса дикї дукан бучїиссар. Хіатта, ялувссар мий дукан ккашил ивчїан икїан кьабучїиссар. Амма, му чїумалгу ккаши лиххансса кьадар бакьа ххишала букан кьабучїиссар, мукунна ихтияр дуссар хіарамсса зад хіачїангу мякьлил ивчїайсса кїанай. Хіарамсса зад даруран дукангу кьабучїиссар, цамур хіалалсса дару бухьурча, хіалалсса бакьахьурча, хіараммур дукан ихтияр дуссар, амма бюхьавай кьадукаву хьинссар.

«Гьунчїукьатїан»

## Хьинсса аьммаллу гьарца бувара!

Мухїаммад Идавсил ꞥ хіадис буссар «Дуняллийсса оьрму муьминчувнал дуснакьри, чапурчунал алжанни», - тїисса. Муьминчувнал дуняллийсса оьрмулуву чїарусса захіатшивуртту хьуна дакъайссар. Гьарцаннан аьркинссар тїайлану Шариатрал ххуллийх бачин хіарачат бан, чурх бунагьиртгачїан кїункїу тїий бунугу. Хаснува, бунагьчитурал дянив агьсса чїумал муьминчувнал хьиннува захіат шайссар цува уруччин.

автор: Рамазан Аьлиев

Гьарца бусурманчувнал уссар шама душман: цалва чурх-нафс, бунагьиртгачїан кїункїу тїисса; цавувацца шїайтїан ва лагма-ялттуминнавусса шїайтїан. Вай шамагу душманная ххассал хьун бюхьарча, мунивури инсаннал талихїгу бусса. Бусала бур ца хьунмасса даражалул вали цалва нафсрачал мукуцїалла шиная талай ивкїссар тїисса. Мукун бухьувкун, жунма муниву хьиннува хіарачат бан аьркинни. Мухїаммад Идавс ꞥ цалва асхїабтурачал ца гьазаватрая зана хьусса чїумал увкуссар: «Жува чїивисса гьазаватрая хьунмуни зана хьуссару». Ва хіадисрава жунма бувчїлай бур дягьвилул гьазаватнир, цалва чурххашалсса, нафсрачалсса гьазават лавайсса бушиву. Аллагьнал ꞥ халкь дуняллий льяхьан бувссар Цахара эбадат дулланшиврул, мунийнуру жува хіайвантрая личи шайсса, цанчирча, хіайвантран канан, шанан, ва цалва чурххан ччимур буллан бакьа кьакїулнутїий. Хіакьинусса кьини жунма чїалай бур инсантуравуху хіайвантрал даражалин багьсса чїяву хьанай бушиву. Лайкьса куццуй оьрму бутаншиврул жунма аьркинссар тїайласса, иман дусса инсантурал ххуллу бувгьуну, миннал хьирив бачин. Аллагу Тааьланал жунна бигьашиву даншиврул Идавстал гьан бувну бур яла тїайламур дин – Ислам ларсун нанисса. Жунма тїайласса ххуллу ккаккан бувну, бусурманну льяхьан баврих Заннайн ꞥ хьунмасса шукру буллан аьркинни. Цанчирча, ца пуланнал жунма ци-бунугу ца хьинбала барча, жува бикїару ганан бансса хьинбалалух луглай. Аллагу Тааьланал жунма буллуссар кьимат бишун кьашайсса неьматру: чурх, яру, вичїив, аькьлу, ссихї, оьрму ва цаймигу чїявусса неьматру. Шукругу так ца мазрайну баву кьагьассар. Багьайкунсса шукру байссар Шариатрал ялуршиннарду биттур дуллай, Аллагьнал ꞥ винма буллусса чурххал базурду бунагьиртгачїа, хіараммуния буручлай. Мукунсса шукру баншиврул чара бакьа динналул кїулишувуртту ласун аьркинссар, цанчирча, кїулишуву дакъасса чїумал тїайлану эбадат дан кьашайнутїий. Расулулагьнал ꞥ увкуссар: «Аллагьнал ꞥ хьинбала бан ччиманан Исламрал кїулишувуртту дулайссар». Гьарца бусурманчувнал, дукра дукаву кунна, чара бакьа элму лахьхьин аьркинссар. Цанасса чїумалгу жунма чїалай бур Шариат сан кьадуллалисса, му кьагьану цаймигу зия буллалисса инсантал. Аллагьнал ꞥ миннал яруннил хьхьичї пардав дурссар, Исламрая арх бувссар. Так Исламрал ххуллийх нанимири дуняллий ва Ахиратраву ххассал хьунтїисса. Ва дуняллий абадлий личїайсса цучїав акьассар, мунияту, гьарца аькьлу бусса инсаннал пикри бан аьркинни, нава ивчїарча, ттушала цукунсса аьмаллу лавсун гьантїиссара, куну. Хьинми аьмаллу ххишала хьун хіарачатгу бан аьркинни. Аллагьнал ꞥ жухьхьунма оьсса аьмаллая арх буцансса тавфикь булуннав! Амин.

## Тавба даврил баян

Заннал ляхъан увсса инсан бунагъравун къаагъайсса, муния марцисса къаиклайссар цуцлав, цуксса чансса бухъурчагу. Бунагърая марци шаврин сававгу дакъассар, марцисса тавба дарча дакъа. Му тавбагу кира куццуйсса дуссар. Ца авватурал тавба - жагъилсса, дукъарккусса инсантурал тавба кунна, цагу хавастурал тавба -- Идавтурал, валийтурал, алимтурал, абидтурал тавба кунна. Авватурал тавбагу мури, цалла дурсса аьсившивурттая пашман хьуну, ми къариртун, Аллагънайн **ﷺ** мюти шаврин ктура аяву. Оьккисса, къюркъюсса, лайкъ дакъасса тлуллату, ххуйсса, Аллагъ **ﷻ** рязийсса тлуллайн, тлабиабтиртайн ктура аяву, Дуржагъраят Алжаннуйн ктура аяву, чурххан ччимур, щяйтланнул тимур баврият, миннан къаччимунийн ктура аяву. Хавастурал тавба турча, киа авватурал тавбагу дурну, муний авцуну махъ хьиншивурттаяту, маърифатрайн ктура аяву. Даражарттаяту Аллагънайн **ﷻ** гъан шаврийн ктура аяву. Чурххал лазатирттаяту рухирал лазатирттайн ктура аяву. Мигу цери чирча, Аллагъ **ﷻ** акъацири цимурца куллу-шайъ къадиртун, Мунайн ктура авну, Мунайну тирх тий аьлахълахъаву. Мукун хьувкун, яла миннал чурхру дуньяллий инсантуравух бухъурчагу, рухру Аллагънайн **ﷻ** Аьрщур-Рахмандалул лув диклайссар. Разакъаналлагъ. Инсаннал дакнища, мазраца, канища, ччаннаца, гъарца базулуца ца бунагъ хьунсса зад бувккукун, къастирай банна тий буккарчагу, сагъвийну, гъапулну буккарчагу, му ссят мунай ялувссар муния пашман хьуну, ктура авну, тавба дан. Хаснува хьуну бунагирттаятуса бунагъ бувкун, хьиннува нигъа увсун ктура аян ялувссар. Гъарца инсаннал ялув Кирамун-Катибинтал тий кия

малаик уссар. Ца урчамур хъарай, ца куямур хъарай. Ми малаиктал тачлав муная личи къашайссар. Мунал бувмур, увкмур, хатта зумату бигълагъисса ссих чичлачиссар. Урчамур хъарайманал хьинмур аьмал чичайссар, куямур хъарайманал оьмур аьмал чичайссар. Инсаннал ца бунагъ хьунсса зад бувкун, хьинмур чичайманал учайссар оьмур чичайманахъ «Ссавур да, ма-чичара, тавба дайрив ккакканнин» - куну. Арулла ссятрай ссавур дайссар, муниин тавба дарча къачичайссар, къадарча - чичайссар. Му бунагъ бувсса инсан баврия хлакьну пашмангу хьуну, махъ къабангу, байманацун къаакьингу нийятгу дурну ктура аярча бунагъвагу къабувсса куна марци шайссар. Хатта Аллагънайн **ﷻ** бунагъвагу къабайсса лагънир, бунагъравунгу агъну, му баврият хлакьну пашмангу хьуну, Заннаяту **ﷻ** нигъа увсун, марцину тавба дайма хьиннува ххирассар. Мунал пашман хьуну буллалисса цуру-ктурулул чунир Аллагъ Тааьланан ххирасса чу бакъассар. Мукун бухъувкун, гъарца инсаннал лайкъссар бунагъ бувагу къабарчагу, гъарца ссятраву тавба-истихфар чиявуну баву. Цанма къакулсса Аллагънайн **ﷻ** ккулсагу биклайссар бунагъру. Мудан дуллан къахъурча, гъарца чакличавагу даван аьркинссар. Мукунгу къадарча, хъхъу-къини кийлла, цал кюрххил, цал къуннияллай данссар, дурагу къадуллай къабучиссар. Мукунгу къадулларча - му залитураятури. Аллагъ Тааьлагу оьвтгий унутгий муьминтурайн, тавба дара тий, Цалва цимилунгу мустахакъ хьуну, аьзбраятугу ххассал хьуну, пайдалул хьуминнаяту хьун. Хатта Расулуллагънайн **ﷺ** цавагу бунагъ цалва къабайнугу, къиний ттуршийлла тавба дуллай

ивкиссар мунил ххирашиврул цаний. Бунагъвагу къабайсса Расулуллагъ **ﷺ** мукун тавба-истигъфарданий лазимну ивкукун, бунагъру буллайн-масса жува дуллайнма биклан ялуври. Тавба данхъуви, ктура аянхъува тий, бунагъру буллай, тавба къадуллай оьрму гъан буллалавугу - фасикъшивури, бунагъкаршивури. Нажагъ хар-хавар бакъа тавбагу дан къархъуну, ивкуну лагайссар. Му тавба дурмагу, мугу зия дурну ялагу аьсившиврувун агъарча, ялагу тавба дан ялувссар. Ялагу барча, ялагу ялувссар бунагъ бувтари дуллан. Тавба даврил ци бави, муний ацан къашайхха тий, тавба къамул къаданссар, аьфву къабанссар тий, Заннал **ﷻ** цимилуя, аьфвулия хьул къувкуну, бунагъру буллай, тавбарду къадуллай, оьрму гъан бан къабучиссар. Бунагъ бувтари, тавба дуллан ялувссар, къамул дайма Аллагънайн **ﷻ**. Хатта, рухирачла дурсса тавбагу къамул дайссар, къакъартуйн рух дияннин. Амма бусса оьрмулий аьсивну оьну оьккисса, оьсса аьмал буллай ивкун, чиявусса хьунисса, хьун бунагъру буллайнма оьрму гъан бувну, хьинми аьмалулу цирив къакулуну, цавагу къабуллай ивкун, ахирданий ивчайшиву мяълум хьуну рух дуллан ивкукун тавба даврил му къамул дайшиву къакулли. Мукунма, тавба данссарча тий бунагъру баву, яла бачива, мазрал истихъар бавай, ялагу, ттигу тавба дуванссарча куну мува бунагърайн ктурааллайна оьрму гъан буллалавугу - Аллагъ **ﷻ** хъяврин уллалавури. Мукун дурсса тавба-истигъфарданияту гума цамур марцисса тавба-истигъфар дуван ялувссар, гукун дурсса тавбалину бунагъралун агъайтий.

Насихлатуль-аьвал  
(«Гунчлукъатлан»)

## Даджалная

Ца чумал Идавсил **ﷺ** муаззин Билал-асхлалнал **ﷺ** чакллил чун дирну дакъанура азан увкуссар. Асхлалнал бавтлукун Идавсил **ﷺ** пишгу куну, цуувххуссар: «Зун ккулли на зува цана шиккун циван бавтиссарив?», - куну. «Аллагънайн **ﷻ** Идавсин **ﷻ** хьинну ккулссар» - увкуссар асхлалтурал. Идавсил **ﷺ** увкуссар: «На зуйн оьвчав Ислам къамул дурсса Тамиму Дари тлисса насранинал бувсмур зухъгу бусаншиврул. Ванал Даджалная бувсмур ва на зухъ буслай ивкмур ца куццуйсса бур, амма ттун тачлав Даджал къакъавкссар. Вичи дишара ванал бувсмуних.

автор: Мурад Мусаев

«На ттула зувия гьалмахчунацал жамилий тулва иширттай най уссияв. Ца чумал хъхъирий марч, буран гъаз хьуну жу ца жазиралул зуманив бавцуссияв, гъарал къадагъаннин ялугълай. Му чумал жучан ца жанавар бувкуну, жун га щяйтлан ххива, ганил бак-магъ чув дуссарив бувчин къашайва. Ганил жухъ увкуну: «Бачи ттуцал, та килисалуву зуцал гьалгъа бан ччисса инсан урча», - куну. Жу нигъа бувснугу, ганил хьирив бавчуру. Килисалуву жун льякьуна ссинжирдай авхусса, кагуру ссурсулийн дархусса инсан. «Ина цура?» - цууххарду жу. «Зу ва жазиралин цукун багъру?» - цуувххуна ганал. Жу бусарду жува шиккун цукун багъссарив. Яла га жухъун суаллу буллан ивкуну: - Бусияра ттухъ Палистиннавусса Бисан тлисса ахьулссаннул багъарая. - Ци бусави гания? - цууххарду жу. - Ганил мурхъирдал ттигу ахьулсса ххяххайрив? - Ххяххай, къаххяххангу буюхайсарив? - Бусияра ттухъ Сириянавусса Табария тлисса бярдания, дурив гиву щин? - Дур, чиярусса щин дур. Къадикан цукун буюхайссар? - Бусияра ттухъ буккин-чичин къакулминнавату увксса идавсия. Му ци дуллай ур? - Му Маккалив увссар, яла Мадиалив гьижра бувну, цана гикку яхъан ур. - Аьраб ганацал ччалай бияв? - Бия. Амма Идавс **ﷺ** гайннайр ххув хьуну, аьраб цайнма мюти бувунни. - Мукун хьурив? - Хьунни. - Мюти хьурча, гайннан цанма хьинни. Утти на бусанна ттуявату. На Масих Даджалла. Уккан изну булуннин ялугълай ура. На увккукун, мукъцалва гъантлий аьрщарайх занай царагу шяравалу къадитанна, Макка ва Мадина личаннин. Гай шагърудаван на къаитантиссара къапулдах бавцусса малаиктурал». Яла Идавсил **ﷺ** увкуссар: «Га ивкиссар малъоьн Даджал, на зухъ ганая хъхъичавагу бувсесьсия», - куну. Хадисирттая бувсун бур Даджал ча уккантиссарив: «Даджал уккантиссар Харасаннал аьрщарая. Ганал хьирив бачинтиссар Исфагъаннаясса 70 азара жугьт». Даджалнал хьирив чиявусса халкъ бачинтиссар. Ганан ккулну биклантиссар гайннал бакру хайран бан. Цания-ца шяравун увкисса чумал ганал гъарал лачун дуллантиссар ягу цамур карамат ккаккан дуллантиссар. Мунийну Даджалнал халкъ цайнма вих бантиссар. Га иклантиссар щяйтланнул баймур буллалисса, щяйтлан инсаннал къакъакхайхъурча, Даджаллул гъарзад загъирну буллантиссар. Ганал хьунмур мурадгу - халкъ баякъин бавури. Даджал щалла дуньяллийх уккантиссар, так Маккалив ва Мадиалив уххан къахъунтиссар. Мадиалул къапулдачлан ивса чумал ганал хъхъичун ярагъуннищалсса малаиктал бувкун, шагърулувун уххан къаитантиссар. Яла Даджал Мадиалул чларавсса Ухдунтуйн лавхъун учинтиссар: «Бургияра ва кяласса къалалух, ва Ахлмдлул **ﷻ** къалари», - куну. Яла аьрщи шамила сукку хьунтиссар, ттинин цаллагу сукку къархъусса куццуй. Му чумал Маккаливсса ва Мадиаливсса циняв мунапикътал нигъа бувсун Даджалнал чулийн гъантиссар. Мукун Макка-Мадиалив цаягу мунафикъ къаличантиссар.

## Шанул адабру

Шанашаву - Аллагъ Тааьланал жунма буллусса хьунмасса неьмат хъанай бур. Шанашисса чумал инсаннал чурх ва къюк дигъа лаглай дур, инсан игъалаглай ур. Гъарца затираву кунна, шанан утту ишавривугу дуссар цилла адабру: 1) Хъатлан чак бувну махъ аьркин бакъасса гьалгъарду къабуллай, телевизорданух къауруллай утту ишаву хьинссар. Хъамаличувнацал гьалгъа бан, Къурьан буккин, элму лахъхьин бучиссар. Жула Идавсугу **ﷺ** хъатлан чак байхту лахъи къалавгун утту ишайсса ивкиссар. 2) Утту ишиннин чаклин ивссуну хьинссар. 3) Урчамур чулий, Кьиблалин лажинну утту ишаву суннатссар. 4) Дуаь дайсса чумал кунна кару дургьуну, «Ан-Нас» ва «Аль-Фалакъ» сурарду бувккуну, кару чурххайх



дурккун хьинссар. 5) 33-ва «Субхлаллагъ», 33-ва «Альхлмдуллилагъ», 34-ва «Аллагъ акбар» увкуну хьинссар. 6) Га ларгсса къини инава цукун гъан дурну дурив пикри бувну, ххуйну ларгун духъурча, Аллагънайн шукру бувну, оьккину ларгун духъурча, тавба дурну хьинссар.

- 7) Льякьлуй утту ивхъуну шанан къахъинссар, муния чурххан зарал буссар, ссих бигингу захмат шайссар.
- 8) Шану биллай бакъахъурча, Къурьаннул сурарду бувккуну хьинссар.
- 9) Ххуйсса мак ккаккарча, Аллагънайн **ﷻ** шукру байссар. Му мак инава ххирасса инсаннахъ бусан бучиссар. Оьсса мак ккаккарчарив, щихъчлав къабусайссар.
- 10) Чант увкукун ва дуаь дуккайссар: «Альхлмдуллилагъи ллази ахйяна бяьда ма аматана ва илайги-н-нушур».
- 11) Шанан утту ишайсса чумал нийят диклан аьркинссар хъхъувай ивзун эбадат дансса.

Къурамухлмамд-хлжи Рамазановлул «Исламрал адабу» тлисса луттирава

## Тарикъатрал вирдирал аслу-гъану

Щанасса чумал чявуну баяй тарикъатрал вирд ссан аьркинс-сар, муния цукунсса хайр буссар, шайхначан гъан къабучиссар, му Исламраву бакъасса задри тисса гьалгъарду. ИншаАллагъ ва макъалалу жува ххал банну вирд лавсэсса инсаннал ци дайсса дурив, ци дуккайсса дурив ва мунал даймуния Исламраву ва Къуръанналуву ци увкуну бурив.

макъала: Аьли Аьлиев

- Вирд дуллалисса чумал мурид-нал хъхьичИра-хъхьичИ 3-лла ша-гъадат дуккайссар: «Ашгъаду алля илягъа илляллагъ, ва ашгъаду анна Мухаммада-р-расулюллагъ» – «На барашинна дуллаи ура хлакьсса, эбадат дан лайкьсса Зал ца Аллагъ ﷻ акъа акъашиву, ялагу на барашинна дуллаи ура, Мухаммад ﷻ Аллагънал ﷻ гъан увсса Расул ушиву». Шагъадат – тавхидрал калимари, чапурчувгума циняв бунагъиртгъагу марци увну, Алжаннавун уххан айсса жавгъарди.
- Шамулчин миннал дайсса зат – истигъфар: «АстагъфируЛлагъа лязи ля илягъа илля гъува-ль хлай-ль къайу-ма ва атубу иляйги». Вай мукъурттил мягна хъанай дур: «На ттулва бунагъ-ру багъишла битаву чла тий ура Ца акъа акъасса, мудан уттавацца Аллагънахъ ﷻ». Къуръандалуву чивчуну бур (мягна): «Килу икфу, хлакьну Аллагъ ﷻ акъа цама зал акъассар, мунияту вилвагу, бусурмансса арамунал ва хъаннигу бунагъру багъишла баву чла уча» (сура Мухаммад 19 аят). Идавсил ﷻ хладисиртгъаву бусун бур клай мукъурттил бунагъру марци байшиву, гай циксса чявусса бухур-чагу. Тарикъатрал вирд дуккайсса инсаннал вай махъру гъарца кьини



кюрххил ва ахттакъунмай чанма-чан-ну 100-ва учайссар.

- Дуаь. Аллагъ Таабланал Къуръанна-луву увкуну бур: «Зу дуаь дуллали, На зухъхъун жаваб дулунна» (сура Гъа-фир, аят 60).
- Ялагу муридтурал гъарца кьини кюрххил ва ахттакъуннай яла чанну 100-ла Идавсин ﷻ салават дутайссар. Къуръанналувацца буссар аят Аллагъ-

нал ﷻ жуйнма амру буллалисса Идав-син ﷻ салават дутлан (мягна): «Май-жаннугу, Аллагъналгу ﷻ, Аллагънал ﷻ малаиктуралгу Идавсин ﷻ салават дутайссар, я муъминтал, зугу ганайн салаватту дутяра, саламгу буллали» (сура аль-Ахизаб, аят 56).

- Зикри. Къуръанналуву чивчуну бур (мягна): «Я муъминтал, зу чявуну Аллагъ ﷻ кийиц лаглаги, кюрххил ва

хъхъувай» (сура аль-Ахизаб, аят 41). Тарикъатрал вирд дуллалиманалгу «Ля илягъа илля Ллагъ» тисса зикри гъарца кюрххил ва ахттакъунмай чанма-чанну 100-ва бувайссар. Идав-сил ﷻ увкуссар: «На учаймунивагу, ттуяр хъхьичИ бивкисса идавстурал тий бивкимунивагу яла ххирамурди «Ля илягъа илля Ллагъ». Му бакъас-сагу, чявусса хъунисса аьлимтурал зикрилул ххирашивруяцца луттирду чивчуну бур.

- Хлакьсса тарикъатрал ххуллу бувхъуну нанисса муридтурал клай ялув кийиц ларгсса дуаьртгал дьанив «Илягъи анта макъсуди, ва ризака матллуби» учайссар. Мунил мягнагу хъанай дур: «Я Аллагъ! Ттул мурад – Вил рязишивури!».

Тарикъатрал мурадгу – Аллагъ ﷻ рязисса даражалин бусурманчув иян авури.

Ялагу цухлан биклай, къабучиссарив вай гъарзад устазначан къалавгун, инава ккалан, тий. Бучиссар, амма мукунсса инсаннаца нажагъгу бюхъайссар къакъадиртун, гъарца кьини тикрал дуллан, устазначан къа-дуллауна дуллалимуниву илагъийсса нур къадиклайнутий. Тарикъатрал ххуллийх наниминналлив клай гъарзад шалва оьрмулул мутгалий дуллан биклайссар. Имам Муслимлул хладисиртгал луттираву бур хладис: «Яла хъинмур аьмал – мудан ти-крал буллалимурди, цуппа чивисса бунугу». Му бакъассагу, гъарца иши-раву ва давриву, цуксса чирисса ва бигъасса дунугу, лахъхъин буллалис-са, тийла бацан буллалисса устар акъахъурча, дуллалимуния мюнпат къабиклайшиву жунма ххуйну клули. Жулла къюкюру марци даври-ву мукунсса устарну хъанахъиссар тарикъатрал шайх.

## Ницлавкратусса Хъун Хласан ва Чиви Хласан

1 « Аьпабиву Чуртгациял Сай-пуллагъ сагъний дакин бутлай ивкун ур укунсса иш: «На ккалай уссияв Къукуннал мадрасалуву. Ттула уссин буцин увкусса душ цаманал килулу буна лихъан бувну, бувцуну бия. Дарсирай шяивкун уна, на уссияв ттухъва нава гъич къаитанна, ивчанна кла лихъ-ан бувсса оьрчи», - тий. Дарс дихълахъисса Хъун Хласан хъинну мюршну ттухгу урувгун увкуна: «Ххуй бакъасса пикрирдащал ина диндалу элмурду лахъхъин ччай урав? Му Аллагъ Таабланал мукунсса чичру, къадар чивчуну бивкиссар вил уссин», - куну. Инсаннал дакийи бу-мур га нан бувчлайсса бивкун бур». Ца нюжмар-кьини кюрххил муба-рак хъинну инжитну къашай хъуну ур. Бавтун бур ганачан яла цала хъхьичлунми, вихшала думи дустал, мюридтал. Хлажимуса-хлажинал гайн-нахъ увкуну бур: «На шала ххуйну акъ-ара, ттун хъунма хлал ливчун бакъар. Ттул арс Шяпи хъуна шайхту, мунахъ-хъун дулунсса за хладур дував, му задгу мунахъхъун дулара. Ттун кланай мадрасалул хъунаману иклантимагу члал къавхъуну шивун уххантиссар», - куну. Члал къавхъуну му къатлувун увххун ур цува Хъун Хласан. Циняв къатлуву буминнан бувчуну бур шия-ту тий ивкиссарив мубарак. Хлажимуса-хлажи накълу хъуну махъ,

1910 шинай Къукуннал мадрасалул хъунаману хъуну ур Ницлавкратусса Хъун Хласан. Га чумал мадрасалуву дуклай бивкун бур 120 мюталлим. Хъун Хласаннул цала чярумур чун гъан дайсса диркун дур халват-къатлу-ву, гъарца мудан эбадат, чакру буллаи. Цала чун дурккун дарс дишин мюталитурачангу лагайсса ивкун ур. Ца кьини Хъун-Хласан хъинну пашманну, хъювусулну увкун ур мюталитурачан. Шяивкун ур бакгу кьус риртун, яругу мукъал бувцуну, хъунмасса хлаллай шихчлав ссихлгу къадуклай. Махлатгал хъусса мюта-лимтал ганах буруглай ссихл дуккан къахъанай ливчун бур. Цаппара хлалава бакгу гъаз дурну, яругу мукъал бувцуну Хъун Хласаннул гайннахъ увкуну бур: «Аллагъ Тааь-ла жуятува рязину акъар. Жула ду-аьрдугу къамул дуллаи акъар. Жува Аллагънал ﷻ амрурду къабивтун, дуниял ххуй дирзун буру. Бусурман-турал дакурдиву гъава бакъа цичлар лирчун дакъар. Муниягу Аллагънал ﷻ жула ялун гъан буван най бур Цува къаклулсса инсантал. Миннал хъинну зулму буллан най бур. Члал къавхъ-ну революция, хуриягъ, тархъан-шиву тий жула ялун биянтиссар бала. Диндалу агълу бухлаган бувантиссар, мизитру, мадрасарду

лекъан бувантиссар. Дуниял купрулул хъунтиссар», - куну.

Чярussa шинну ларгун дур гания махъ, Хъун-Хласаннул увкусса гъарца зад хъунугу бур.

16 шинай Хъун Хласан зий ивкун ур хъунаману Къукун-нал мадрасалуву, га лавкъун махъ Хъун Хласан ва Чиви Хласан бувкун бур цала шяравун. Шавайн увкун махъ Хъун Хласаннул бувну бур кулпат. Ганал бивкун бур 3 арс ва 1 душ. Шалагу Дагъусттаннай кунма, Ницлавккуллал шяравугу тай зувилку шиннардий мизитру лакълай, дин-далу луттирду ччучлай, аьлим-тал, шайхтал ххал буллаи, хъирив багълай, бугълай, бакълай бивкиссар. Муниягу Хъун Хласаннул ва Чиви Хласаннул гъан багъссар шяравату. Бугъан бучаннин гай шяраваллил инсантурал кумаграйну шяравату лавгссар.

Хъун Хласан лавгун ур Киргизиянавун. Гикку аьршигу ларсун, ганиха зий ивкун ур. Гъарца мудан га лагайсса ивкун ур чаравсса мизитравун. Ца кьини га мизитраву имамнан клантгай ганал бувну бур нюжмар кьинис-са чак. Хъун Хласаннул ляличисса такъваллий буклакисса Къуръандалий мизитравусса халкъ хлайран хъуну бур. Гайннан бувчуну бур га хъинну исламрал элмурду куртну килулсса ушиву.

Хъун Хласан чурххал лахъсса, загълунс-са ивкун ур. Инсантурал дургъусса хъуруннаву ганал хъу яла дюрхъусса диркун дур. Чаравсса инсантурал га авадансса инсаннан ккалли увну ур. Хъхъувай цувалу усса чун ххал дурну ряхва адимина ганайн ххавх-хун бур. Гайннал канища Хъун Хласан ивкуну ур. Амма гайннан гиву цичлар ляркъуну дакъар. Цивпагу пашман хъуну бур цала дурсса туданий. Чун ларгун махъ гай ряхвагу адимина ца-цаних тий ливтуну бур.

Чиви-Хласангу цала уссицал Ажуна-щал лавгун бур Закалатлайн. Гайннан къаст диркун дур Закалатлайхчин Турциянавун гъан. Хъхъувай ми вацлугу дяркъу дуну къувти бив-чусса кланай, къачагътал ххай, бив-тун бувтун бур Котех тисса шяраву. (Цаппараннал тий бур Мацлук тисса шяраву). Гай ца буссарив клул шайхту, гайннай бивтми паш-ман хъуну бур: «Жушара хъусса ва ци даври», - тий. Киягу уссу бувчуну бур ливтлусса кланай. Ца Аллагънал ﷻ бакъа къаклулссар вайннуву цумур шяравалу тийлаассарив.

Аллагънал ﷻ кашилий хларачат банну тиний тинмай бусан Ницлавккуллал аьлимтал бувччусса шяраваллал кланттурдал цларду.

Аьйшат Хлажиева «Лакрал шайхтал, валитал, аьлимтал»

# МухIаррам барз

МухIаррам барз бусурманнал календарьданул цалчинмур барзри. Ва зурул даражалул хьуншивруя Кьурьанналува ва МухIаммад Идавсил ﷺ хIадисиртгаву бувсун буссар. Мунияту, гьарца бусурманчувнал хIарачат бан аьркинссар ва барз Аллагь ﷻ цаява рязи хьунсса куццуй гьан бан.

Имам Аль-Гьазалинал «ИхIйа оьлум ад-дин» тIисса луттираву чивчуну бур МухIаррам барз эбадат дуллай гьан барча, ванил барачат шинавусса гайми зурдардингу биян бюхьайшиву. ХIадисраву увкуну бур: «Рамазан зурул хьирив зума дугьан яла хьинмур барз – МухIаррамри» (Муслим). Цамур хIадисраву Идавс ﷺ тIий ур: «МухIаррам зуруй ца кьини зума дургьуманан барз бувгьусаксса чири бикIантIиссар» (Табарани). Зума дугьан яла хьинми кьинирду хьанхьиссар хамис, нюзмар ва алхIат. Цусса 1435-чинмур шин хьуннав зун тIайлабаццу бусса, хьиншиврул ва ххаришиврул дурцIусса, дакIнийсса мурадрайн бивсса. Иман цIакь даврийхIин, АллагьначIан ﷻ гьан хьуну, жува циняв Заннан ﷻ ххира хьунсса шин хьуннав. Оьмур, бунагь-



ру, лухIисса дардру ларгсса шинаву личIаннав. Оьмур хьама битансса ххаришиву ялун дияннав. Аллагь Тааьланал рахIму-цIими бишиннав цинявпагу бусурманнай дунияллий ва ахиратраву.

МухIаррам зурул хьхьичIра-хьхьичIсса кьини – шин дайдихьулул кьини – ва дуаь дуккайссар:

بِسْمِ اللَّهِ الرَّحْمَنِ الرَّحِيمِ

وَ صَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَ  
صَحْبِهِ وَسَلَّمَ  
اللَّهُمَّ أَنْتَ الْأَبَدِيُّ الْقَدِيمُ الْأَوَّلُ وَالْآخِرُ  
فَضْلِكَ الْعَظِيمُ وَجُودِكَ الْمَعْوَلُ وَهَذَا  
عَامٌ جَدِيدٌ قَدْ أَقْبَلَ نَسْتَلُكَ الْعِصْمَةَ فِيهِ مِنَ  
الشَّيْطَانِ وَأَوْلِيَائِهِ وَجُنُودِهِ وَالْعَوْنَ عَلَى هَذِهِ  
النَّفْسِ الْأَمَّارَةِ بِالسُّوءِ وَالْإِشْتِغَالَ بِمَا يُقَرِّبُنِي

إِلَيْكَ زُلْفَى يَا ذَا الْجَلَالِ وَ الْإِكْرَامِ يَا أَرْحَمَ  
الرَّاحِمِينَ  
وَ صَلَّى اللَّهُ عَلَى سَيِّدِنَا مُحَمَّدٍ النَّبِيِّ الْأُمِّيِّ وَ  
عَلَى آلِهِ وَ صَحْبِهِ وَسَلَّمَ

Бисмиллагьи ррахмани ррахIим. Ва салла Ллагьу аьла саййидина МухIаммадин ва аьла алигьи ва сахIбигьи ва саллам. Аллагьумма, анта-л-абдиййу-л-къадиму-л-аввалу, ва аьла фазлика-л-аьзими, ва жудика-л-муаьввалу, ва гьаза аьмун жадиудун къад акбала насъалука-л-эсмата фигьи мина-ш-шайтIани ва авлияигьи, ва жунудигьи, ва-л-аьвна аьла гьазигьи-н-нафсил аммарати биссуи, ва-л-иштигьала бима юкьаррибуни илайка зулфа, я за-л-жалали ва-л-икрами, я архIама ррахIимина. (3-лла) Ва салла Ллагьу аьла саййидина МухIаммади-н-набиййи-л-уммиййи ва аьла алигьи ва сахIбигьи ва саллам. МухIаррам – Аллагьнахасса ﷻ эбадатрал ва тавбалул барзри, муни буну, жунма аьркинссар бюхьлай бунува циняв бунагьиртгата марцIсса тавба дан. Аллагьнал ﷻ тавфикь булуннав!

# Аьшура кьини

Аьшура кьини МухIаррам зурул 10-мур кьинири. Му хьинну хьуннасса, ххирасса кьинири. Му кьини Адам идавс ﷺ ихтияр увсса кьинири. Идрис идавс ﷺ ссавруннайн лавхьсса кьинири. НухIлул ﷺ жами лухччинийн бувчIсса кьинири. Ибрагьим идавс ﷺ Аллагьу Тааьланал () гьалмахчушиврун увгьусса кьинири. Давуд идавсил ﷺ аьф-ву бувсса кьинири. Сулайман идавсийн ﷺ паччахIшиву кIура дарсса кьинири. Аюб идавс ﷺ цIуцIаврия марцI хьусса кьинири. Юсуп идавсгу ﷺ мунал ппу Яькьуб идавсгу ﷺ цачIун хьусса кьинири. Эса идавс ﷺ увсса кьинири. МухIаммад идавсил ﷻ Хадижат бувцусса кьинири. Лухччи-ссав, Кьалам, Адам ﷺ, ХIава ляхьан дурсса кьинири. Кьиямасса Кьини дикIантIисса кьинири.

Му кьини хьинсса аьмал баву хьинссар. Ци бунугу, хIатта ятиннал бакIрайх ка дуккарча, мунал чIарарал бакIрахсса ххуй-ххуйсса ахьулсри дусса мурхьру булайссар Алжаннаву. Му кьини гьуслу барча му шинаву къашай къашайссар. Ссурмаврал яру бавугу суннатссар, тачIав цIун къабикIайссар, ккарчи цIакь шайссар. Му ссуннат баврил хIикматгу, НухI идавсил ﷺ агь-лу тIюпандалул жамилий бусса чIумал, миннал яру зия хьуну бивкIссар щинал асарданийну. Яла Аллагьу Тааьланал мий жамилия лухччинийн бувчIсса кьини, Аьшура кьини НухIлуйн ﷺ вахIий ликкан буну увкуссар: «ХIакьину ссурмаврал яру бара», - куну. Мунияту жунмагу суннат бувссар. Му кьини мукьра ракааьт чаклил дарча, гьарца ракааьтрай аьлхIам бувкуну махь ацIния цава кьул-

гьугу буклай, ххюцIалла шинал бувсса бунагьиртгал аьфву байс-сар. Му кьини азарва Кьулгьу бук-кавугу хьинссар. Аллагь ﷻ мунах цIимилийну ургайссар. Зума дугьаврилгу хьиннува хьун-масса даража буссар. Азарва ХIаж, азарва Оьмра бувссаксса чири буссар. Азара шагьиднануксса чири буссар. Азарва бакI тархьан бувс-саксса чири буссар. Мискин, па-кьир хьун аву, ххира аву хьинссар, гьаттаву ишайсса кьини Аллагьнал ﷻ мугу хьун айссар. Му кьини садакьартту бавугу хьинссар. Хаснува личIи-дичIийсса къамри хIала бивчуну, хьхьахь-хьари бивчуну баву хьинссар. Му кьини мий бачIаврил хIикматгу, НухI идавсил ﷺ жами лухччи-нийн бувчIун паракьат хьувкун тIурпандалул хьхьирияту, мугу Ашурдул кьини диркIссар, НухIлул ﷺ амру бувссар му жамилий бивкIсса халкьуннахь: «Жува тIурпандалул хьхьирия лухччи-нийн бучIаврил щукрулун хьатIи бара, зучIара думур дирчIуну» - куну. Яла миннал, куннал лачIа, куннал у, куннал хьюру, куннал цайми-цайми личIи-личIийсса къалмул ссинфру дирчуну, хьхьахьхьари куннасса дукра дурну, даьват бивчуссар. Муниятур жувагу хьхьахьхари бичлай аьдат дагьсса. Му кьини ичIувсса тирх учин баву, ххира бавугу хьинссар, суннатссар.

## Аьшура кьини дуккайсса дуаь

ХьхьичI 70-ла ва дуаь дуккайссар:  
حَسْبُنَا اللَّهُ وَ نِعْمَ الْوَكِيلُ نِعْمَ الْمَوْلَى وَ نِعْمَ  
النَّصِيرُ

ХIасбуналлагьу ва ниьма-ль-вакилю ниьма-ль-мавля ва ниьма-

н-насыру.

Яла 7-лла дуккайссар:

بِسْمِ اللَّهِ الرَّحْمَنِ الرَّحِيمِ  
حَسْبُنَا اللَّهُ وَ نِعْمَ الْوَكِيلُ نِعْمَ الْمَوْلَى وَ  
نِعْمَ النَّصِيرُ  
سُبْحَانَ اللَّهِ مِلْءَ الْمِيزَانِ وَ مُتَهَيَّ الْعِلْمُ  
وَ مَبْلَغِ الرِّضَى وَ زِنَةَ الْعَرْشِ لَا مَلْجَأَ وَلَا  
مَنْجَأَ مِنَ اللَّهِ إِلَّا إِلَيْهِ سُبْحَانَ اللَّهِ عَدَدَ  
الشَّفَعِ وَ الْوَتْرِ وَ عَدَدَ كَلِمَاتِ اللَّهِ التَّامَّاتِ  
كُلِّهَا أَسْأَلُكَ السَّلَامَةَ بِرَحْمَتِكَ يَا أَرْحَمَ  
الرَّاحِمِينَ وَ لَا حَوْلَ وَ لَا قُوَّةَ إِلَّا بِاللَّهِ  
الْعَلِيِّ الْعَظِيمِ وَ هُوَ حَسْبِي وَ نِعْمَ الْوَكِيلُ  
نِعْمَ الْمَوْلَى وَ نِعْمَ النَّصِيرُ وَ صَلَّى اللَّهُ  
عَلَى سَيِّدِنَا مُحَمَّدٍ خَيْرِ خَلْقِهِ وَ عَلَى آلِهِ  
وَ صَحْبِهِ أَحْمَعِنَ


Бисмиллягьи ррахмани ррахIим. ХIасбуналлагьу ва ниьма-ль-вакилю ниьма-ль-мавля ва ниьма-н-насыру. СубхIаналлагьи мильа-ль-мизани ва мунтагьа-ль-эльми ва маблагьа-р-риза ва зината-ль-аьрши ля мальджаа ва ля манджаа минаЛлагьи илля иляйгьи субхIанаЛлагьи аьдада-ш-шафьэ ва-ль-ватри ва аьдада калимати Ллягьи-т-таммати куллигьа асьялюка-с-саламата бирахIматика я архIама ррахIимина. Ва ля хIавля валя кьуввата илля биллягьи-ль-аьлиййи-ль-аьзими ва гьува хIасби ва ниьма-ль-вакилю ниьма-ль-мавля ва ниьма-н-насыру. Ва салла ллагьу аьла саййидина МухIаммадин хайри халкьигьи ва аьла алигьи ва сахIбигьи ажмаэн.

# Шинал махьра-махьсса кьини дуккайсса дуаь

بِسْمِ اللَّهِ الرَّحْمَنِ الرَّحِيمِ  
وَ صَلَّى اللَّهُ عَلَى سَيِّدِنَا مُحَمَّدٍ وَ عَلَى آلِهِ وَ  
صَحْبِهِ وَسَلَّمَ  
اللَّهُمَّ مَا عَمِلْتُ فِي هَذِهِ السَّنَةِ مِمَّا نَهَيْتَنِي عَنْهُ  
فَلَمْ أَتُبْ مِنْهُ وَ لَمْ تَرْضَهُ وَ لَمْ تَنْسَهُ وَ حَلِمْتَ  
عَلَيَّ بَعْدَ قُدْرَتِكَ عَلَى عُقُوبَتِي وَ دَعَوْتِي إِلَى  
التَّوْبَةِ مِنْهُ بَعْدَ جُرْئَتِي عَلَى مَعْصِيَتِكَ فَإِنِّي  
أَسْتَغْفِرُكَ فَاعْفِرْ لِي وَ مَا عَمِلْتُ فِيهَا مِمَّا تَرْضَاهُ  
وَ دَعَوْتَنِي عَلَيْهِ التَّوَابَ فَأَسْأَلُكَ اللَّهُمَّ يَا كَرِيمٍ  
يَا ذَا الْجَلَالِ وَ الْإِكْرَامِ أَنْ تَتَقَبَّلَهُ مِنِّي وَ لَا تَقْطَعْ  
رَجَائِي مِنْكَ يَا كَرِيمٍ  
وَ صَلَّى اللَّهُ عَلَى سَيِّدِنَا مُحَمَّدٍ وَ عَلَى آلِهِ وَ  
صَحْبِهِ وَسَلَّمَ

Бисмиллагьи-р-рахIмани-р-рахIим. Ва саллаЛлагьу аьла саййидина МухIаммадин ва аьла алигьи ва сахIбигьи ва саллам. Аллагьумма ма аьмилту фи гьазигьи ссанати мимма нагьайтани аьнгьу, фалам атуб мингьу, ва лам тарзагьу, ва лам тансагьу, ва хIалимта аьлайяа баьда кьудратика аьла оькьубати, ва дааьвта-ни ила-т-тавбати мингьу баьда журьати аьла мясьиятик фаинни астагьфирука, фагьфирли, ва ма аьмилту фигьа, мимма тарзагьу, ва вааьдтани аьлайгьи ссаваба фа асьялука-Ллагьумма, я кариму, я заль жалали валь икрами, ан татакьаббалагьу минни ва ла такьIааь ражаи минка, я Карим. Ва саллаЛлагьу аьла саййидина МухIаммадин ва аьла алигьи ва сахIбигьи ва саллам.

# Лакрал хіажитал. 2013-ку шин



ККАЗИТРАЙ МУБАРАКССА ЧИЧРУДАЛ ТАРЖУМАРТТУ ДУССАР, ШАРИАЪТРАЙН БУВНУ, ЧАПАЛССА КІАНАЙН ДАГЪАН КЪАБУЧИССА!

**Гьаттай бившусса кIязазуруй сурат диширча, гьаттаву-манан аьзав дикIайссар тIун бикIай. Му тIайлассарив?**

Цалчин жунма кIулну бикIан аьркинссар кIязазуруй сурат лахъаву хIарамсса, бунагъсса даву душиву. Аьлимтурал тIимунин буну, ивIкуманал васият буну, на ивIкукун ттул кIязазурул сурат лихъияра, куну бухьурча, мунихлу ганан гьаттаву танмихI бикIантIиссар. Мукунсса васият буну къабивкIун, амма ганал оьрчIал ягу цайми гьан-маччаминнал мунал сурат кIязазуруй лахъарча, гьатта-вуманан аьзав къадикIайссар, ганай цукунчIавсса аьй дакъанутIий, цайминнал бувсса бунагьирттахлу жаваб къадулайссар.

**Щарнил ниттил ка дургьуну чаклин иссаву зия шайс-сарив?**

Адиминал цала щарссанил ниттил ка дугьарча, ва мукунма, хъамитайпалул цила ласнал буттал ка дугьарча, миннал чаклин биссаву зия къашайссар.

**Чак къабайсса инсаннал чаклилунсса, чIюн, сивак ягу цамур диндалуцIун дархIусса зад дулун бучIиссарив?**

БучIиссар, цанчирча, цIана ишла къадарчагу, мунал мий задру чIун ларгун махъ, чак буллай айивхъуну ишла дан бюхъайссар.

**Мизитравун увхху-кун тахIият чаклин кIанай цамур чак бан бучIиссарив?**

Мизитравун увххукун, щяикIаннин кIира рака-аьт чаклил даву суннат-ссар. Му чIумал цумур чак барчагу, суннатсса бикIу, фаризасса бикIу, тахIият чак бувссаннун ккалли шайссар. Бувагу чак къабувна щяикIарча, му мизитрал чулин-найсса адав дакъашиву хъанахъссар.

**КIюрххил чак чIал хъуну, хъирих лахълай ухьурча, дваь «КъунутI» («Магьдина») дуккайсса-рив?**

Хъирих лахъйсса чIумалгу, кIюрххил чакли-ву «Магьдина» дуккайссар, му суннаттун-муаккад хъанахъиссар.

**Хъинну къашавай уну, духтуртурал наркотик хIаласса дару буллай бухьурча чак бан бучIиссарив?**

Инсан аьклулий уссаксса мунал чара бакъа чак бан аьркин-сар. Наркотик бусса дару буну кIулшилиа гьарча, чантI ув-кукун, циняв ливчIсса чакругу хъирих лахъан аьркинссар.

**Янналийн нажас дагьарча, гьассарив га дахъра атилсса аццух лиширча?**

Нажас дагъсса кIану, янна дикIу, цамур зад дикIу, чара бакъа щин дуртIуну щюшин аьркинссар. Укунна ялттура лишав-рийну нажас марцI къашайссар.

**Тгун бавссар оьрчIан ккукку булун кIира шинай бакъа къабучIиссар, муния гихунмай булаву бунагъссар тIий. Му тIайлассарив?**

ОьрчI кIира шинай ккуккулий хъуна аву хъинссар, мунияг махъ ккукку булаву къахъинссар, амма булурчагу, бунагъ бакъассар.

**Вечернее отделение Дагестанского Исламского университета имени шейха Мухаммад-Арифа**

Все желающие получить духовное образование без отрыва от производства или учёбы могут бесплатно обучаться на вечернем отделении ДИУ. Получив исламские знания, Вы принесете в свои дома и общество неиссякаемый свет добра, исходящий от Ислама. Это поможет Вам совершать благие деяния.

На учёбу принимаются все желающие (от 14 лет) на основе собеседования. Мужчины и женщины будут проходить обучение раздельно.

**Срок обучения:**

Программа трехгодичная. По завершении учебы желающие зачисляются на дневное отделение ДИУ.

**Необходимые документы:**

- ✓ Фотография 3x4 – 2 шт.;
- ✓ Копия паспорта.

Обращаться по адресу: г. Махачкала, ул. Дахадаева 136, Дагестанский Исламский университет им. шейха Мухаммад-Арифа (на территории Центральной джума-мечети).

**Цанасса чIумал чIявуну баяй Имам Магьди уккавай уссар тIисса хаварду. Му Имамная кутIану бусарча ччива.**

Жула Идавсил ﷺ увкуссар: «Имам Магьдинал цIа ттул цаниха лархъхъусса дикIантIиссар, ганал буттал цIагу ттул буттал цIаниха лархъхъусса дикIантIиссар». Имам Магьди икIантIиссар Идавсил ﷺ тухумравсса. Имам загьир хъунтIиссар Маккалив, ХIажлив Кягьбалул лагма тIаваф дуллалиса чIумал га увчIинтIиссар Ибагьимлул макъамрал ва Хажаруль-Асвадрал лагмасса арамтуран. Имам Магьди ачинтIиссар Идавсил ﷺ ххуллу бугьуну. Ганал циняв хъама бивтсса суннатру цIу буккан бантIиссар ва цинявпа аьркин бакъасса бидъартту бухлаган бантIиссар. Ганал щаллагу дуниялий каялувшиву дантIиссар, Сулайман ﷺ идавсил кунна. Цинявпа къанчру лекъан бантIиссар. Бусурманнал хъуншиву зана хъунтIиссар, аьщарай аьдлу-низам, талихI-ххаришиву дацIан дантIиссар. Имам Магьдинал заманнай ссаврунная барачатса гьараллу лачIлай, аьщарай буллугъсса бакIлахъру ххялантIиссар. Имам Магьдинал дикIантIиссар Идавсил ﷺ хялат, тур ва байрахъ. Ганал ялув ххют дуллалисса ттурлу дикIантIиссар. Ссаврунная оьвчинтIиссар: «Вана Аллагьнал ﷻ гьан увсса Имам Магьди, зу ванал хъирих бачи!», - куну. Вай махъру увкусса чIумал га ттуруллува ца ка дурк-кун Имам Магьдинал чулиннай ишара дантIиссар. Имам Магьдинал къаркъсса аьщарай къаркъсса къартта дугьантIиссар, гания мурхъ хъавххун щюллисса чIапIал дуцIинтIиссар. Халкъуннал ганая имамшиврул далиллу, лишанну тIалав буллантIиссар. Микку Имам Магьдинал ссавнийх левххун нанисса лелуххуйн кIисса тIайла буну, га лелуххи ссавния щяв бутантIиссар. Вай дакъассагу дуссар цаймигу Имам Магьдинал лишанну ва аьламатру.

**Рузнама**

**Декабрь**

Къини	КIюрххил чак	Баргъ букваву	Ахтгайн чак	Ахтгакьун чак	МаркIачан чак	ХъатIан чак
1	6:13	7:57	12:38	14:59	17:19	18:52
2	6:14	7:58	12:38	14:58	17:19	18:51
4	6:15	8:00	12:39	14:58	17:19	18:51
6	6:17	8:02	12:40	14:58	17:19	18:51
8	6:18	8:03	12:41	14:59	17:19	18:52
10	6:20	8:05	12:42	14:59	17:19	18:53
12	6:22	8:07	12:43	14:59	17:19	18:53
14	6:23	8:08	12:44	14:59	17:20	18:54
16	6:25	8:10	12:45	15:00	17:20	18:54
18	6:25	8:11	12:45	15:00	17:20	18:54
20	6:27	8:12	12:47	15:02	17:21	18:55
22	6:29	8:14	12:48	15:03	17:22	18:56
24	6:29	8:15	12:49	15:04	17:23	18:57
26	6:30	8:15	12:50	15:05	17:25	18:59
28	6:31	8:16	12:51	15:06	17:26	19:00
30	6:31	8:16	12:52	15:07	17:28	19:02

**ХХИРАССА УССУРВАЛ ВА ССУРВАЛ! НАЙ ДУССАР 2014-КУ ШИНАЙНССА "АС-САЛАМ" ККАЗИТРАЛ ПОДПИСКА. ККАЗИТ ЧИЧИН ХЪУНТИССАР ЧЧИМУР ПОЧТАЛИЙ ВА ГЪАРЦА РАЙОН-НАЙССА ЖУЛ ВАКИЛТУРАЙХЧИН. ККАЗИТ ЧИЧАВРИЛ ВА БИАН БАВРИЛ ХIАКЪИРАВУ ОьВЧИН БЮХЪАНТИССАР ВА НОМЕРДАНИЙН +7-988-307-04-03 АЛЛАГЬНАЛ КУМАГ БАННАВ!**



**ХIурмат бусса уссурвал ва ссурвал! Зунма цIуххин ччисса, ИсламрацIун, ШариаьтрацIун, кулпатрал багьу-бизулуцIун бавхIусса ва цаймигу суаллу гьан бан бюхъайссар SMS – райхчин 8-928-580-37-89 номерданийн, ягу 51-85-22 номерданийн оьвкуну цIуххин. e-mail: assamlak@mail.ru**